



Bosna i Hercegovina
Federacija Bosne i Hercegovine
Hercegovačko – neretvanski kanton
Grad Konjic
GRADONAČELNIK



Broj: 09-36-2-2971/26
Konjic, 21.07. 2026.godine

Na osnovu člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09) člana 38. Statuta Grada Konjica („Službeni glasnik Grada Konjica“, broj: 10/22) i člana 4. Pravilnika o načinu utroška novčanih sredstava za novčane podrške utvrđene Programom utroška za 2026. godinu sa ekonomskog koda 614122-transfer za sport, Gradonačelnik Grada Konjica **r a s p i s u j e**

PONOVI JAVNI POZIV za finansiranje projekata iz oblasti sporta iz Budžeta Grada Konjica za 2026. godinu

Član 1.

Ovim pozivom reguliše se raspodjela sredstava osiguranih Budžetom Grada Konjica za 2026. godinu namjenjenih sufinansiranju projekata iz oblasti sporta planiranih na kontu 614122-Transfer za sport.

Član 2.

Pravo na prijavu imaju nosioci sportskih aktivnosti (sportski klubovi, udruženja iz oblasti sporta, organizatori sportskih manifestacija) koji ispunjavaju sljedeće uslove:

- da su upisani u registar kod nadležnog registracijskog tijela za neprofitne organizacije, najmanje 3 godine od objave javnog poziva,
- da je realizacija prijavljenog projekta u interesu za Grad Konjic.

Član 3.

Prijavu za dodjelu sredstava mogu podnijeti svi navedeni nosioci sportskih aktivnosti iz člana 2. ovog poziva čiji se programi, projekti i aktivnosti odnose na:

- troškovi pripreme i učešća na takmičenjima vezanim za vrhunski sport (kolektivni i individualni);
- manifestacije koje podstiču afirmaciju i razvoj sporta;
- organizovanje raznih sportskih manifestacija, turnira i sportskih obuka;
- organizovanje i učestvovanje na međunarodnim sportskim manifestacijama;
- nabavka sportske i druge opreme i sportskih rekvizita za koje je udruženje registrovano;
- troškovi članarine i kotizacije za takmičenje;
- troškovi za angažman službenih lica na utakmicama i drugim sportskim takmičenjima (sudije, delegati, kontrolori i dr.);
- troškovi prevoza, smještaja i ishrane na gostujućim utakmicama i drugim sportskim takmičenjima, ukoliko organizator takmičenja ne finansira navedene troškove;
- troškovi zakupa stadiona, fiskulturnih sala, sportskih dvorana i prostora za treninge i takmičenja;
- organizovanje i učestvovanje na sportskim takmičenjima i manifestacijama sportskih klubova koji okupljaju djecu, omladinu i odrasle.

Član 4.

Projekti/programi koji se neće finansirati su:

- projekti sportskih organizacija koje nisu izvršile svoje obaveze po ranije odobrenim projektima finansiranim ili sufinansiranim iz Budžeta Grada Konjica;
- projekti koji se baziraju na investicionim ulaganjima, adaptaciju ili izgradnju kapitalnih objekata, ili na

- kupovinu opreme, osim ako je oprema neophodna za uspješnu implementaciju projekta;
- projekti koji su usmjereni prema političkim aktivnostima;
- projekti koji su namijenjeni za isključivu dobit pojedinca;
- projekti koji se zasnivaju na dodjeljivanju sredstava trećoj strani.

Sredstva dodijeljena iz Budžeta Grada Konjica za projekte/programme sportskih organizacija ne mogu se koristiti za finansiranje ili sufinansiranje sljedećih troškova:

- zakup kancelarijskog prostora;
- naknade za rad predsjednika, podpredsjednika i sekretara sportske organizacije;
- naknade za rad upravnog odbora ili drugih radnih tijela organizacije;
- troškove reprezentacije predsjednika udruženja i drugih lica iz upravljačke strukture.

Član 5.

Aplikanti koji se prijavljuju na Javni poziv, osim elektronski popunjenog aplikacijskog obrasca (prilog Javnog poziva) koji mora biti potpisan i ovjerene od strane odgovorone osobe i ovjeren pečatom organizacije dužni su dostaviti sljedeću dokumentaciju u originalu ili ovjerenoj kopiji:

- Rješenje o registraciji udruženja;
- Uvjerenje o poreznoj registraciji – ID broj;
- Obavještenje o razvrstavanju – klasifikacijska djelatnost;
- Karton deponovanih potpisa;
- Potvrda banke iz koje je vidljivo kako je transakcijski račun solventan i nije blokiran, ne stariji od 3 mjeseca od dana objave ovog Javnog poziva;
- Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu u općini, gradskoj upravi ili kod notara.
- Bilans stanja i bilans uspjeha za 2025. godinu sa vidljivim pečatom Finansijsko informatičke agencije (FIA-e),
- Potvrda udruženja o broju članova iz službene evidencije

Član 6.

Dostavljena dokumentacija treba biti numerisana i uvezana. U protivnom, projektini prijedlog neće biti razmatran.

Član 7.

Aplikant može aplicirati na ukupan iznos projekta ili dio nedostajućih sredstava, što je dužan navesti u aplikaciji.

Aplikant može aplicirati sa jednim projektom za kalendarsku godinu.

Ocjenu pristiglih prijava na Javni poziv za raspodjelu sredstava za finansiranje projekata iz oblasti sporta izvršit će Komisija za provođenje postupka Javnog poziva. Komisija će vrednovati pristigle prijedloge projekata/programa aplikantata, prema sljedećim kriterijima s pripadajućim brojem bodova:

- Kontinuitet rada
- nivo takmičenja na kojim sportske ekipe i sportisti učestvuju prema predloženom projektu;
- ukupan broj članova sportske organizacije i broj članova oslobođenih plaćanja članarine (dokazuje se dostavljanjem potvrdom iz službene evidencije)
- ostvareni sportski rezultati u prethodnoj godini;
- opis, trajanje i masovnost manifestacije ili događaja;
- broj stručnih osoba uključenih u realizaciju projekta ili programa;
- tradicija organizovanja/postojanja projekta ili programa;
- značaj manifestacije ili događaja za lokalnu zajednicu;
- budžet i racionalnost troškova;
- kvalitet programa/ projekta.

Aplikanti su obavezni dostaviti dokaze o ispunjavanju navedenih kriterija za vrednovanje projekata i programa, koji su navedeni u aplikacijskom obrascu koji su sastavni dio Javnog poziva. U slučaju nedostavljanja potrebne dokumentacije po bilo kojem od utvrđenih kriterija, projektini prijedlog sportskih organizacija neće biti bodovan po kriteriju za koji nije dostavljena potrebna dokumentacija.

Član 8.

Lista odabranih projekata objavit će se na službenoj stranici Grada Konjica.

Član 9.

Finansiranje odabranih projekata regulirat će se Ugovorom o međusobnim pravima i obavezama između davaoca budžetskih sredstava i korisnika, kojem je odobreno finansiranje programa/projekta. Sredstva će se isplatiti na osnovu dostavljenih faktura o namjenskom utrošku sredstava i preuzetih obaveza iz ugovora u roku 30 (trideset) dana od dana realizacije projekta.

Član 10.

Prijava sa potrebnom dokumentacijom se dostavlja na protokol Gradske uprave Grada Konjica ili preporučeno putem pošte na adresu:

Grad Konjic

Služba za opću upravu, društvene djelatnosti i mlade

Maršala Tita br. 62, 88400 Konjic

sa naznakom:

**"Prijava na Ponovni javni poziv za finansiranje projekata iz oblasti sporta iz Budžeta Grada Konjica za 2026.godinu
- NE OTVARATI"**

Član 11.

Javni poziv ostaje otvoren 15 dana od dana objave na web stranici Grada Konjica. Prijave dostavljene nakon roka, neće se uzeti u razmatranje.

Član 12.

Sve dodatne informacije u vezi učešća na Javnom pozivu mogu se dobiti u Službi za opću upravu, društvene djelatnosti i mlade na broj telefona: +387 36 712 252, svakim radnim danom od 07:00 do 15
+++3+++00 sati.

DOSTAVITI:

1. Gradonačelniku
2. Službi za opću upravu, društvene djelatnosti i mlade
3. RTV Konjic d.o.o. Konjic
4. Oglasna tabla Grada Konjica
5. www.konjic.ba
6. a/a

GRADONAČELNIK

Osman Ćatić

